



Бизнинг давримизга келиб инсоният барча сохаларда катта кашфиётларга эришди, деб ишонилади. Айниқса, жинсий тарбия соҳасида айнан бизнинг замонамизда буюк инкилоблар амалга оширилди ва шу мавзуга оид муҳим маълумотлар ёшлар билан баҳам кўрилади бошланди. Ўтган асрларда жинсий тарбия масаласига энгил қаралгани, бу мавзуга уятли ҳисобланиб, умуман ташлаб қўйилгани ва ҳаммасига дин айбдор экани айтилади, аммо айнан қайси дин айбдор экани ҳақида ҳеч қанақа маълумот айтилмайди.

Лекин ўн тўрт аср аввал бу мавзуга оид маълумотлар Куръонда тилга олинган ва инсоннинг кўпайиш жараёни босқичма-босқич ҳикоя қилиб берилган. Айниқса, анатомия ва физиология фанлари ҳали кашф этилмасдан туриб бу мавзуда беҳато фикр билдирилганининг ўзи алоҳида таҳсинга лойиқ. Шуни ҳам унутмаслик керакки, бу мавзуда гапирар экан, Куръон оятлари ўша давр одамлари учун тушунарли бўлиши ва улар биладиган, улар тушунадиган сўзлардан фойдаланиб гап тузиши зарур ҳисобланарди.

Мавзунинг амалий томони ҳам эътибордан четда қолиб кетмаган. Куръонда инсон кундалик ҳаёти давомида ўзини қандай тутиши ҳақида кўплаб амалий кўрсатмалар берилган бўлиб, жинсий тарбия мавзуси ҳам бундан истисно эмас.

Куръондаги иккита оятда бевосита жинсий алоқа ҳақида сўз боради. Уларда бу мавзуга эҳтиёткорлик билан ва барча нозик ҳусусиятлар эътиборга олинган ҳолда ҳикоя қилинган. Аммо таржимонлар ва Куръон муфассирлари кўп ҳолларда бу оятларни нотўғри талқин қилишган. Шунинг учун ҳам битта таржима бошқасидан фарқ қилади, битта тафсирдаги фикр бошқасидагига тесқари маънони ифода қилади. Мен бу оятларнинг таржимаси устида жуда кўп бош қотирдим ва нихоят Байрутдаги тиббиёт факултети собиқ профессори доктор А.К.Жиро (A. K. Giraud, Faculty of Medicine, Beirut) ёрдами билан бунга қисман муваффақ бўлдим. Мана ўша таржима:

«(Инсон) отилиб чиқувчи сувдан яралган. У эркак жинсий аъзоси билан аёл жинсий аъзоси бирлашишидан ҳосил бўлади» (Торик сураси, 6-7-оятлар)

Эркак жинсий аъзоси Куръон матнида «сулб» сўзи (бирлик шаклда) билан, аёлнинг жинсий аъзоси эса «тароиб» сўзи (кўплик шаклда) билан ифодаланган.

Мана шу таржимани энг қониқарли таржима деб ҳисоблаш мумкин. Куръоннинг кўплаб таржималарида, шу жумладан инглиз ва француз тилларидаги машҳур таржималарда ҳам бу оят «(Инсон) отилиб чиқувчи сувдан яралган. У (эркакнинг) бели билан (аёлнинг) кўкрак қасми ўртасидан (отилиб чиқади)» деб таржима қилинган. Буни таржима эмас, кўпроқ изох сифатида қабул қилса бўлади. Ундан биров нарса тушуниш қийин.

Куръонда эркакнинг жинсий муносабат пайтида нималарга эътибор бериши кераклиги

хам аник баён килинган. Бакара сурасининг 222 ва 223-оятларида хайз пайтида нима килиш хакида буйрук бор. Аллох Пайгамбарига шундай буйрук беради: «Сиздан хайз хакида сўрайдилар. Айтинг: У кўнгилсиз – нопок нарсадир. Бас, хайз пайтида хотинларингиздан четландингиз ва то покланмагунларича уларга якинлашмангиз! Пок бўлганларидан кейин, уларга Аллох буюрган тарафдан келингиз. Албатта, Аллох тавба килгувчиларни ва ўзларини мудом пок тутгувчиларни севади. Хотинларингиз сизлар учун экинзордир. Бас, экинзорларингизга хохлаган холатингизда якинлашаварингиз ва ўзингиз учун (яхши амаллар) такдим килингиз» (Бакара сураси, 222-223-оятлар)

Бу парчанинг бошида жуда аник килиб айтилган: эркаклар учун хотинлари билан хайз пайтида жинсий алока килиш тақиқланган. Оятнинг давомида экинзорга ундан янги хосил олиш учун уруг экиш хакида гапириляпти. Ушбу тасвирий киёслаш оркали жинсий алоқанинг аслида нима мақсадда амалга оширилиши тушунтириляпти, яъни жинсий алоқадан мақсад фарзанд кўриш экани айтиляпти. Ушбу оятни таржима қилар экан, Р. Блашер жинсий алоқадан аввал ўз аёлига яхши муносабат кўрсатиш, уни эркалаш кераклиги ҳам айтилганига ургу бериб ўтган.

Бу оятда берилган буйруklar умумий буйруklar, холос. Хос мавзулар, масалан, хомиладан сакланиш йўллари на ушбу оятда, на бошка бирон ўринда тилга олинмаган. Хомилани олдириб ташлаш (аборт) мавзусига ҳам Куръон бирон бир ўринда тўхталмаган. Аммо юкорида келтирилган бир канча оятларда хомиланинг ривожланиш боскичлари саналар экан, «илинадиган нарса» боскичидан бошлаб хомила тирик жон сифатида қаралади. Тирик жонни ўлдириш Куръонда катта жиноят деб таърифлангани учун тирик жонга тенглаштирилмаган хомилани олдириб ташлаш ҳам Куръон наздида жиноят эканига шубха йўқ. Бу қараш нафакат Исломи, балки тавҳидга ишонадиган барча динлар учун умумий ҳисобланади.

Рамазон ойида тунлари жинсий алока қилишга ижозат берилган. Бу ҳақда Куръонда шундай дейилади: «Сизларга рўза кечасида хотинларингизга кўшилиш ҳалол қилинди. Улар сизларнинг либосингиз, сизлар улар учун либоссиз, (яъни эр-хотин бир-бири учун худди баданнинг айбларини яшириб, уни иссик-совуқдан асраб, ҳарорат бағишлаб турадиган либос қабидирлар) ... Энди улар билан (рўза кечаларида ҳам бемалол) қовушингиз ва Аллох сизлар учун ёзган нарсани (фарзандни) талаб қилингиз!» (Бакара сураси, 187-оят)

Аммо бунга қарама-қарши ўларок, ҳаж мавсумида Маккадаги ҳожиларга аёллари билан жинсий алока қилиш қаттиқ таъқиқланган: «Бас, қим шу ойларида (ўзига) ҳажни фарз қилса (ҳаж қилишни ниёт қилса), ҳаж давомида (жуфтига) якинлашмайди, гуноҳ ишлар, жанжал-сурон қилмайди» (Бакара сураси, 197-оят)

Бу энди умумий маънодаги тақиқ ҳисобланади, чунки ҳаж мавсумида ҳожилар учун нафакат жинсий алока, балки бошка амаллар ҳам тақиқланган, масалан ов қилиш, жанжаллашиш ва ҳоказо...

Хайз масаласи Куръонда яна талок хакида гапирилган оятда ҳам тилга олинган: «Аёлларингиз орасидаги (қексайиб қолгани сабабли) хайз кўришдан умид узганлари, агар сизлар (уларнинг иддалари қанча давом этиши ҳусусида) шубҳалансангизлар, бас, (билингизки), уларнинг иддалари уч ойди, яна (ҳали-хануз) хайз кўрмаган (аёллар)нинг (иддалари ҳам уч ойди). Хомиладор (аёл)ларнинг (идда) муддатлари эса хомилаларини қўйишлари (яъни кўз ёришларидир)» (Талок сураси, 4-оят)

Қутиш муддати (идда) талок эълон қилиниши билан унинг қучга қириши орасидаги вақт

хисобланади. «Хайз кўришдан умид узган аёллар» учун кутиш муддати уч ой килиб белгиланган. Бу муддат тугаганидан кейин «хайз кўришдан умид узган аёл» бошка турмуш куриши мумкин.

Хайз кўришга улгурмаган аёллар хомиладорлик даври ўтишини кутишлари керак. Хомиладор аёллар учун эса талок факат фарзанд тукканларидан кейин кучга киради. Бу коиданинг хаммаси бугунги физиологик маълумотларга тўла мос тушади. Куръонда шунингдек бевалик масаласига оид кўрсатмалар, унинг тартиб-коидалари хам аник кўрсатиб берилган.

Кўриниб турибдики, инсоннинг кўпайиши билан боглик назарий маълумотлар ва эр-хотин орасидаги жинсий алока борасида амалий маслахатлар биз бугун билган шу мавзудаги замонавий билимлар билан асло карама-каршиликка киришмайди. Аксинча, бу оятлар ва улардан олинадиган мантикий хулосалар замонавий билимлар билан тўла уйгунлик касб этади. Бу эса ўн беш аср олдин инсониятга нозил килинган Куръони Карим илохий китоб эканига, унинг хукмлари киёматгача бокий колишига энг кучли далиллардир.

Доктор Морис БУКАЙ (Франция). «Таврот, Инжил, Куръон ва хозирги илм» китобидан